

Aka Cuut u Ralkap la ka Awm Vasahula

Teeham Caciim. Efe.6:10-20

I. Efe.6:10 lawngah vasa hula he Pathen ram hamla Pathen kah ral aka tuk ham aka cuut u ralkap la awm tila a thui.

- A. Khrih kah taakung a thlangngaih he Pathen kah a awmna huenla awm hamla Pathen oen pumkhat la a awm vengah, Pathen huh ah ahih heTirzah angla a thlaangtheen tih Jerusalem angla lungna kap. Tede ralpa hamla tah taana baizaanthli oen haih aka awm rih awm koei ralkap angla awm. Laa.6:4.
 - 1. Taana baizaanthli tah raltuk hamla coekroekna oen raltaa noekna lakhaw awm. Rihawm koei ralkap tah Bawipa kah taakungthli lawngah Pathen kah raal, setan te a phawk tite huhsakna la awm.
 - 2. He ralkap tah Bawipa kah khuena aka thlat taakungthli la awmham Pathen-thlangthli kaha tlaakna dawngah Pathen ram hamla ral a tuk u (Awl.2:7, 11, 17, 26; 3:5, 12, 21). Hukhueng ah, taacathli he Khrih oen kuttuuk ham aka cuut u vasahula la va cooeng poen ai (Awl,19:7-9). Tethli kah kuttuuk poei coengah, he vasahula he ralkap la va cooeng tih a va la aka awm Khrih ben kalawng ah Anti khrih oen a hubangthli tea tuk bang poen ai (Awl,19:11-21).
- B. Vasa hula thlangboel he atang tang tah Pathen a tuengna ham oen Pathen kah raal te hoei atlaang ham tikah mengtengna pahih te aka soepsak koei Pathen kah poekna dawngkah aka cuut u thlaangla awm-Gen.1:26.
- C. Pathen kah dungzaan a mengtengna soep sak tih Khrih kah thinkaw ngaihna a ngaikhuek sak ham bueng ouhla, Pathen kah raal tekhaw a tuk hamla awm. He hamla thlangboel he ralkap la a awmham awm.
- D. Mami kah khawkaanna he Pathen kah mengtengna sope sak hamla ni, mami kah khawsakna he Khrih ngaikhuekna hamla awm. Mami kah raltukna he Pathen kah ral tukna hamla ni-Efe.4:1. 5:2,8.6:10-11.

II. Kum thawngkhat tue khuiah Jesu kah sausii tah Khrih kah vasa hula- Khrih oen ka uk haih sengpahrangthli la ka awm taakungthli teni-Awl.19:7-9.20:4,6.

- A. Bawipa kah dangkoepna tah Khrih kah vasahula a roekbahna hamla awm (19:7-9.21:2). Hukhueng atah, mami he Khrih kah a puipaw, vasahula la ka awm Jerusalem khawthai kah aka lenkoek oen hukhueng muithlip la ka awm Solomon kah muilou la kawpoek rai koei Shulamite la awm ham mui lawhla ng'awm u poen ai - Laa.6:13. Awl.21:2,9-10.22:17a.
- B. Shulamite he Pathen kah huh ah ral a taaina pahih nawh atah ralkapbu pahih(Hebrew, Mahaneim) kah sawipetna oen vai ahih. Jakop lawngah Pathen kah vaanceltuihthli, Pathen kah ralkapbu pahih te a huh coengah a awmna huen te mahaneim tila ming a peek tih a zuthli, a cathli oen a khuehtoenthli boeih te "ralkapbu pahih" la a hoep- Laa.6:13. Gen.32:1-10
 - 1. Ralkapbu pahih kah muithla ben huhsakna tah Khrih Takpum kah a lawngim angla mami aka lungna kung rangoen tare taana, "pumboeihla taana" ni tite aka cak sausiila tueng-Rom.8:37.12:9-10.13:3-5. Laa.8:6.
 - 2. Pathen lawng amah peek ah a tha ka awm thlaangthli te ngoe nawh. A tha ka zawlt hlangthli, a tha ka awmnawh thlangthli, hutathli camawthli teni a ngoe. Taakungthli la awmham tuueng aka tithli he Bawipa dawng aka hangdang thazawl thlangthli la awm-1Kor.1:26-28.2Kor.12:9-10.13:3-5. Laa.8:6.
 - 3. Pathen lawng amah oen pumkhatla aka awm thlangthli, samvehna oen a huhsak amah awl aka ngaaithli(1:11) A rawn kah a awi lung phutlou awithli huhsakna a zawl azet ngaihna oen haih amah awl aka ngaai thlangthli te a ngoe(athan.10).
 - 4. Pathen ben phawngna kah a sawsang koek dawngah metila m'phana ai tite m'poek vengah, mah oen mah ng'uepna u hama wm nawh, tede bawilenna ham a reenna duenna amthli la awm sak

hamla lungna, tharaana oen reenna la aka awm Bawipa dawngah hangdang hamla awm-Rom.9:16,21-23.

III. Muithla ben raltukna tah angoe mangkhak, metitiah setan kah a ngaihna lawngah Pathen kah a ngaihna te a tuk dawngah ni-Efe.1:5,11. Matt.6:10

- A. Pathen kah a poekna, a ngaihna coengah. Apabe a poekna, apabe a ngaihna awm, metitiah setan kah a ngaihna he Pathen kah a ngaihna oen kalh ahih dawngah ni- Isai.14:12-14.
- B. Raltukna boeih he seatn kah a ngaihna oen Pathen kah a ngaihna laklaw kah huhuet na dawngah a kung sut.
- C. Muithla ben raltukna tah Pathen ram oen setan ram laklaw kah tukna la awm. Vandawngthli kah ram a paina hamla muithlaben raltukna angoe-Matt.12:26,28. Awl.12:11.
- D. Mami tah awltak angla a lungvatna rangoen khaw n'kaan utih, lungna oen angna khuiah khaw n'sak coengah, setan ben a ngaihna phe hamla ral n'tuk u- Efe.4:1.5:2,8.6:12.

IV. Pathen kah raal oenah hoei atlaang ham, mami lawng Khrih te duekna kalawng n'thawh sak tih, zilh khuikah muithla theethli boeih kah sawah vandawngthli ah aka ngawlh sakkung tharaana kah a lenna rangoen tharana oen cak sak hamla angoe- athaan.10. 1:19-22.

- A. Mami lawngah Bawipa dawngah tharana oen cak sak hamla angona tah mami poekah seatn oen a thee a ram oen aka kalh muithla ben ral te n'tuk thai nawh tina la awm. Bawipa dawngah, amah kah tharaana dawngah ni n'tuk thai ai.
- B. Tharana oen cak sak hamla thuinuetna tah mami kah ngaihna te thuekdang angoe tina ni. Muithla ben raltukna hamla tharana oen caksak ng' ngaih atah, mami kah ngaihna he khangmai tih thuekdang hamla awm- Laa.4:4.7:4.

V. Thlangboel oen setan laklaw kah raltukna tah Bawipa aka lungna, a thlangboel dawngkah mami oen vaanthli dawngkah athee tharana laklaw kah tukna la awm-Efe.6:12.

- A. He zinhuep ukkungthli, saithaina ka khuehthli oen dilai- ukkungthli tah Pathen aka oelh setan kah pungnawina dawngah a huah aka baang aka pungnawi vaan celtuihthli la awm tih, taheah dilai thlangphunthli saw kah vandawngthli ah a uk u-Kol.1:13.Dan.10:20.
- B. Mami kah raltukna he thlanghing coengna aka oelh tukna nawh tih, muithla theethli, vaanthli ah aka awm muithla ben tharanathli aka tuk raltukna ni tite n'zakming hamla angoe.

VI. Muithla ben raltukna tah thlaangkhat ben thaihu moenih. Tetah aka cuut u ralkapla ka awm Khrih kah vasa hula kawng la awm- Efe.6:13.

- A. Thlangboel tah aka cuut u ralkap la awm tih, oengcathli lawngah he aka cuut u ralkap te a pai sak. Aka cuut u ralkap bula m'pai u coeng kalawng atah Pathen kah raal te n'tuk u thai poen ai.
- B. Pathen kah raltuk thoemthaina tah raltuk hamla a ralkapbu la thlangboel a hawna ham teni. Setan kah thoemthaina tah mami he Pathen kah ralkapla ka awm thlangboel kalawng hooep pe ham teni.
- C. Pathen kah awva soep tah thlaang khat hamla nawh tih, Takpum hamla ni. Aka cuut u ralkap bueng lawngah ni Pathen kah awva soep te a buennaak thai ai.

VII. Muithla ben raltukna hamla mami lawngah Pathen kah awva soep te buennaak angoe-athaan.11.

- A. Mami kah hingna dawngah a soengna la ka awm Khrih dawngkah Pathen he muithla raltukna hamla mami kah pum boeih he tharana oen aka caksak hingcen zenna la awm-athaan.14a.
- B. Theetheen mingna te thlipdah tih setan kah thawlhpehnathli kalawng aka daam doengna kah rangphaw tah doengna la aka awm Khrih teni- athaan.14b,1Kor.1:30.
- C. Khrih tah Pathen oen khaw, thlangciimthli oen khaw pumkhatla awmna hamla mami kah ngaimawngna la awm. He ngaimawngna tah raal daam thaina hamla aka cak lungdangla awm-Efe.2:15,6:15.
- D. Oengna tah ralpa kah hai alh awvathli aka daam thai phring la awm. Khrih tah teang oengna kah kutpaw kung oen aka soep sakkung la awm- athaan.16. Heb.12:2.

- E. Mami kah mingna aka thlipdah thlawwna kah thii lumuek tah hinroek khawsakna dawngah ng'huhtawng u aka thlawn kung Khrih teni-Efe.6:17a. Jhn.16:33.
- F. Pathen kah Awl- muithla samsen tah raltukna awva la awm tih, te oen ah raal te pet pet n'tloek u-Efe.6:17b.
- G. Thangthuina tah Pathen kah awva soep khuenna hamla a rawl ka awmnawh, awlpui, a lawngim la awm tih, awva soep kah thaihu pakhat rip te mami atakla n'dang sak thai-athan.18.

VIII. Pathen kah awva soepla buennakna rangoen mami lawngah setan kah thailatnathli, athee poekkhannathli te n'daam thai- athaan,11,13-14.

- A. Khrih oen haih ngawlhna tah amah kah a sopebirna boeih dawngah thuumna ham, Pathen kah dungzaan a poekna soepsak ham Takpum dawngah khawsak ham, Pathne kah raal te tuk hamla amah tharaana dawngah m'pai hamla awm-2:6.4:1.5:2,8.6:11,13-14.
- B. Raltukna dawngah awlpukoek thaihu tah pai ham teni. Thaihu boeih a theen cala n'sai coengah mami lawng a boet toela m'pai ham angoe.

IX. Mami boeih lawngah tihin Bawipa kah dangkoepna dawngah raltukna dawng ng'awmna u he huh ham angoe. Mami lawngah setan kah zilh dawngkah ralkapthli te tuk hamla Bawipa oen haih thik at la m'bi ham awm, tedeng ah ni Khrih Takpum sakna oen vasa hula roekbah thai vetih, Pathen kah ram a pai coengah pungtai sak hamla Khrih te a mekla tare n'dang thai poen ai, teatah Khrih he diklai rou pang hamla valaw koep thai poen ai.